


漢書門  
 一三六〇八  
 一〇〇八  
 冊架函號類

內閣文庫  
 漢書  
 一三六〇八  
 一〇〇八  
 冊架函號類

內閣文庫	
番號	漢 12608
冊數	160 ( 12 )
函號	300 211

二下坤







Faint vertical Japanese text columns on the left page, including a circular seal impression near the bottom left.



太陰濕土司天太陽寒水在泉中見少宮土運歲  
 土不及上宮與正宮同少宮上臨太陰是為天符  
 土運臨丑是為歲會上見天符下見歲會三合為  
 治太一天符之歲氣至平也命曰備化之紀氣協  
 天休德流四政五化齊修其氣平其性順其用高  
 下其化豐滿其政安靜其候溽蒸其令濕其類土  
 其應長夏其穀稷其果棗其實肉其蟲倮其畜牛  
 其色黃其味甘其物膚其音宮其數五其在人也  
 其臟脾其主舌其養肉其病否此歲運之化也歲

氣之化太陰在上少陽左少陰右故地氣上騰而其政肅太陽在下厥陰左陽明右故天氣下降而其令寂陰專其政陽氣退辟大風時起原野昏務白埃四起雲奔南極寒雨數至濕寒合德黃黑埃昏流行氣交上應鎮星辰星其穀齡元間穀命太商太徵者物成於差夏故陰凝於上寒積於下寒水勝火則爲冰雹陽光不治殺氣迺行有餘宜高不及宜下有餘宜晚不及宜早土之利氣之化也民氣亦從之其病寒濕腹滿身臙憤胸腫痞逆寒

厥拘急故曰風化清化勝復同邪氣化度也雨化五寒化一正化度也裸蟲靜鱗蟲育歲物所宜也羽蟲耗熱毒不生地氣制之也是歲土在上水在下土勝水天氣盈當資化源歲遇太一天符其氣至平不取化源惟折其水鬱益其歲勝贊其陽火令禦甚寒無使邪勝食齡元之穀以全其真食間氣之穀以保其精歲宜以苦燥之溫之運與濕同宜以燥化故曰其化上苦熱中甘和下甘熱藥食宜也歲半之前其政濕歲半之後其令寒初之氣

重校聖濟總錄 卷二十一  
自戊午年大寒日亥初至是歲春分日酉初凡六十日八十七刻半主位少角木客氣厥陰木中見土運木當其位地氣遷寒迺去春氣正風迺來生布萬物以榮民氣條舒風濕相薄雨迺後民病血溢筋絡拘強關節不利身重筋痿宜調厥陰之客以辛補之以酸寫之以甘緩之歲穀宜藜間穀宜稻則風不爲邪二之氣自春分日酉正至小滿日未正凡六十日有奇主位太徵火客氣少陰火中見土運大火正物承化民迺和其病溫厲盛氣迺

近咸若濕蒸相薄雨迺時降宜調少陰之客以鹹補之以甘寫之以酸收之歲穀宜藜間穀宜豆則熱不爲邪三之氣自小滿日申初至大暑日午初凡六十日有奇主位太徵火客氣太陰土中見土運氣與運符而行平氣天政布濕氣降地氣騰雨迺時降寒迺隨之感於寒濕則民病身重胛腫胸腹滿宜調太陰之客以甘補之以苦寫之以甘緩之歲穀宜藜間穀宜麻則濕不爲邪是氣也無犯司氣四之氣自大暑日午正至秋分日辰正凡六

十日有奇主位少宮土客氣少陽火中見土運歲  
運得位相火居之畏火臨溽蒸化地氣騰天氣否  
隔寒風曉暮蒸熱相薄草木凝烟濕化不流則白  
露陰布以成秋令民病腠理熱血暴溢瘡心腹滿  
熱臚脹甚則肘腫宜調少陽之客以鹹補之以甘  
寫之以鹹輒之歲穀宜元間穀宜豆則火不爲邪  
五之氣自秋分日巳初至小雪日卯初凡六十日  
有奇主位太商金客氣陽明金中見土運土生金  
金得位慘令巳行寒露下霜迺早降草木黃落寒

氣及體君子周密民病皮膚腠宜調陽明之客以酸  
補之以辛寫之以苦泄之歲穀宜元間穀宜黍則  
燥不爲邪終之氣自小雪日卯正至大寒日丑正  
凡六十日有奇主位少羽水客氣太陽水中見土  
運水當其位濕土合氣寒大舉濕大化霜迺積陰  
迺凝水堅冰陽光不治感於寒則病人關節禁固  
腰脰痛寒濕持於氣交而爲疾也宜調太陽之客  
以苦補之以鹹寫之以苦堅之以辛潤之歲穀宜  
元間穀宜稷則寒不爲邪此六氣之化也氣交之

化歲有水鬱治宜折之皆隨勝氣安其屈伏無問  
其數以平為期此其道也



庚申歲



少陽相火司天厥陰風木在泉中見太商金運歲  
金太過氣化運行先天上見少陽左陽明右太陰  
故天氣正而其政嚴下見厥陰左少陰右太陽故  
地氣擾而其令撓風迺暴舉木偃沙飛炎火迺流  
陰行陽化雨迺時應風熱慘布雲物佛騰太陰橫  
流寒迺時至涼雨並起火木同德上應熒惑歲星  
其穀丹蒼火化七清化九風化三正化度也羽蟲  
靜毛蟲育是爲歲物之宜俶蟲耗清毒不生是皆  
地氣所制民病寒中外發瘡瘍內爲泄滿聖人遇

之和而不爭往復之作民病寒熱瘧泄聾瞶嘔吐  
上怫腫色變是歲陽爲天氣陰爲地氣金運在中  
天氣刑運運刑地氣天氣盈地氣虛當於年前先  
取化源以平火氣無使運鬱兼抑其運金贊所不  
勝無使木鬱折其鬱氣則暴過不生苛疾不起歲  
宜鹹宜辛宜酸滲之泄之漬之發之運異風熱少  
用寒化其化上鹹寒中辛溫下辛涼藥食宜也候  
其氣者歲半之前其主少陽若火淫所勝則濕氣  
流行金政不平民病頭痛發熱惡寒而瘧熱上皮

膚痛色變黃赤傳而爲水身面胗腫腹滿仰息泄  
注赤白瘡瘍咳唾血煩心胸中熱甚則暍衄病本  
於肺診在手天府之脉法宜平以鹹冷佐以苦甘  
以酸收之以苦發之以酸復之歲半之後其主厥  
陰若風淫於內則地氣不明平野昧草廼早秀民  
病灑灑振寒善伸數欠心痛支滿兩脇裏急飲食  
不下膈咽不通食則嘔腹脹善噫得後與氣則快  
然如衰身體皆重法宜治以辛涼佐以苦以甘緩  
之以辛散之歲運之金太過其紀日堅成是謂收

引天氣潔地氣明陽氣隨陰治化燥行其政物以  
 司成收氣繁布化洽不終其化成其氣削其政肅  
 其令銳切其動暴折瘍症其德霧露蕭颺其變肅  
 殺凋零其化兼其所勝其病喘喝胸憑仰息上徵  
 與正商同其生齊其病咳故曰歲金太過燥氣流  
 行肝木受邪民病兩脇下少腹痛目赤痛背瘍耳  
 無所聞甚則喘咳逆氣肩背痛下連股膝脾膈脘  
 足皆痛其治宜以辛溫所以調其運也初之氣自  
 巳未年大寒日寅初至是歲春分日子初凡六十

日有奇八十七刻半主位少角木客氣少陰火金  
 運統之火能勝金地氣遷風勝迺搖寒迺去候迺  
 大溫草木早榮寒來不殺溫病迺起其病氣佛於  
 上血溢目赤咳逆頭痛血崩脇滿膚腠中瘡宜治  
 少陰之客以鹹補之以苦寫之以酸收之歲穀宜  
 丹間穀宜豆二之氣自春分日子正至小滿日戌  
 正凡六十日有奇主位太徵火客氣太陰火中見  
 金運統之火生土土盛鬱火白埃四起雲趨雨府  
 風不勝濕雨迺零民迺康其病熱鬱於上咳逆嘔



吐瘡發於中胸嗌不利頭痛身熱昏憤膿瘡宜治  
太陰之客以甘補之以苦寫之以甘緩之歲穀宜  
丹間穀宜麻三之氣自小滿日亥初至大暑日酉  
初凡六十日有奇主位太徵火客氣少陽火金運  
統之火當其位天政布炎暑至少陽臨上雨迺涯  
民病熱中聾瞶血溢膿瘡咳嘔衄衄渴嚏欠噦痺  
目赤善暴死宜治少陽之客以鹹補之以甘寫之  
以鹹軟之歲穀宜丹間穀宜豆四之氣自大暑日  
酉正至秋分日未正凡六十日有奇主位少宮土

客氣陽明金金運統之氣與運同是謂司氣涼迺  
至炎暑間化白露降民氣和平其病滿身重宜治  
陽明之客以酸補之以辛寫之以苦泄之歲穀宜  
蒼間穀宜黍是氣也司氣以涼藥食之宜用涼無  
犯五之氣自秋分日申初至小雪日午初凡六十  
日有奇主位太商金客氣太陽水金得其位與水  
相生陽迺去寒迺來雨迺降氣門迺閉剛木早凋  
民避寒邪君子周密宜治太陽之客以苦補之以  
鹹寫之以苦堅之以辛潤之歲穀宜蒼間穀宜稷

終之氣自小雪日午正至大寒日辰正凡六十日  
有奇主位少羽水客氣厥陰木金運統之金本刑  
木水反生之地氣正風迺至萬物反生霧霽以行  
其病關閉不禁心痛陽氣不藏而咳宜治厥陰之  
客以辛補之以酸寫之以甘緩之歲穀宜蒼間穀  
宜稻歲氣之交天氣火勝卽太陽來復地氣木勝  
卽陽明來復觀其氣至治以勝復之法寒者熱之  
清者溫之無翼其勝無贊其復是謂至治

辛酉歲



陽明燥火司天少陰君火在泉中見少羽水運歲  
 水不及氣化運行後天陽明在上太陽左少陽右  
 故天氣急而其政切少陰在下太陰左厥陰右故  
 地氣明而其令暴陽專其令炎暑盛行物燥以堅  
 淳風迺治風燥橫運流於氣交多陽少陰雲趨雨  
 府濕化迺敷燥極而澤金火合德上應太白熒惑  
 其穀白丹間穀命太徵者其耗白甲品羽雨化風  
 化勝復同邪氣化度也清化九寒化一熱化七正  
 化度也介蟲靜羽蟲育是迺歲物之宜介蟲耗寒



重校聖濟總錄 卷二十一  
毒不生是皆地氣所制蟄蟲出見流水不冰清熱  
之氣持於氣交民病咳嗌塞寒熱發暴振慄癰悶  
清先而勁毛蟲迺死熱後而暴介蟲迺殃其發躁  
是歲金在上火在下水運在中水勝火火勝金天  
氣虛水能制火而生金其邪迺微宜資其化源以  
助金氣安其運水無使受邪折其火氣之鬱食白  
丹之穀以安其氣食間氣之穀以去其邪歲宜以  
鹹以苦以辛汗之清之散之運化同清宜多地化  
其化上苦小溫中苦和下鹹寒藥食宜也候其氣

者歲半之前陽明主之燥淫所勝則木迺晚榮草  
迺晚生筋骨肉變民病左胠脇痛寒清於中感而  
癰大涼革候咳腹中鳴注泄驚塘名木斂生苑於  
下草焦上首心脇暴痛不可反側嗌乾面塵腰痛  
目昧背瘍瘡癰病本於肝診在足太衝之脉法  
宜平以苦溫佐以酸辛以苦下之歲半之後少陰  
主之熱淫於內則焰浮川澤陰處反明民病腹中  
常鳴氣上衝胸喘不能久立寒熱皮膚痛目瞋齒  
痛頰腫惡寒發熱如瘧少腹中痛腹大法宜治以

重刊聖濟總錄 卷之三  
吳 燕 遠 堂  
鹹寒佐以甘苦以酸收之以苦發之氣交之間水  
運統之涸流之紀是謂反陽藏令不舉化氣迺昌  
長氣宣布蟄蟲不藏土潤水泉滅草木條茂榮秀  
滿盛其氣滯其用滲泄其動堅止其發燥槁其臟  
腎其化兼所不勝其病癰悶邪傷腎也候其氣者  
四維有湍潤埃雲之化則不時有和風生發之應  
若四維發埃昏驟注之變則不時有飄蕩振拉之  
復其青比其病內舍腰脊骨髓外在谿谷踠膝故  
曰歲水不及濕迺盛行長氣反用其化迺遠暑雨

數至民病腹滿身重濡泄寒瘍流水腰股痛發脰  
踠股膝不便煩寃足痿清厥脚下痛甚則肘腫臍  
氣不政腎氣不衡復則暴風大發草偃木零生長  
不鮮面色時變筋骨併辟肉瞶瘵目視眈眈肌肉  
胗發氣并膈中痛於心腹黃氣迺損其穀不登初  
之氣自庚申年大寒日巳初至是歲春分日卯初  
凡六十日八十七刻半至位少角木客氣太陰土  
中見水運土勝水地氣遷陰始凝氣始肅水迺冰  
寒雨化其病中熱脹面目浮腫善眠歔衄嚏欠嘔

重刊聖濟總錄 卷二十七  
小便黃赤甚則淋宜治太陰之客以甘補之以苦  
寫之以甘緩之歲食白穀間穀用麻雖有濕邪莫  
之能害二之氣自春分日卯正至小滿日丑正凡  
六十日有奇主位太徵火客氣少陽火中見水運  
陽迺布民迺舒物迺生榮厲大至民善暴死水運  
承之其邪迺微宜治少陽之客以鹹補之以甘寫  
之以鹹輒之歲食白穀間穀用豆雖有火邪不之  
能害三之氣自小滿日寅初至大暑日子初凡六  
十日有奇主位太徵火客氣陽明金中見水運天

政布涼迺行燥熱交合燥極而澤民病寒熱宜治  
陽明之客以酸補之以辛寫之以苦泄之歲食白  
穀間穀用黍雖有燥邪莫之能害四之氣自大暑  
日子正至秋分日戌正凡六十日有奇主位少宮  
土客氣太陽水中見水運氣與運同是謂司氣寒  
雨降病暴仆振慄譫妄少氣嗌乾引飲及爲心痛  
癰腫瘡瘍瘧寒之疾骨痠血便宜治太陽之客以  
苦補之以鹹寫之以苦堅之以辛潤之歲食丹穀  
間穀用稷雖有寒邪莫之能害是氣也用寒遠寒

無犯司氣之寒五之氣自秋分日亥初至小雪日酉初凡六十日有奇主位太商金客氣厥陰木中見水運水生木春令反行草廼生榮民氣和宜調厥陰之客以辛補之以酸寫之以甘緩之歲食丹穀間穀用稻雖有風邪莫之能害終之氣自小雪日酉正至大寒日未正凡六十日有奇主位少羽水客氣少陰火中見水運水運得位少陰居之陽氣布候反溫蟄蟲來見流水不冰民廼康平其病溫宜治少陰之客以鹹補之以甘寫之以酸收之

歲食丹穀間穀用豆雖有熱邪莫之能害此六氣之化也歲氣之交天氣勝者少陽復之地氣勝者太陽復之詳察陰陽所在而調之以正為期







太陽寒水司天太陰濕土在泉中見太角木運歲  
木太過氣化運行先天太陽爲天氣左厥陰右陽  
明故天政所布其氣肅太陰爲地氣左少陽右少  
陰故地氣靜而其令徐寒臨太虛其政大舉則火  
發待時少陽中治時雨迺涯雲朝北極濕化迺布  
澤流萬物寒化六風化八雨化五正化度也鱗蟲  
靜俛蟲育歲物之宜也鱗蟲不成燥毒不生地氣  
制之也寒敷於土雷動於下寒濕之氣持於氣交  
民病寒濕發肌肉萎足痿不收濡寫血溢是歲水


爲天氣土爲地氣土勝水當資化源以助天氣又  
歲遇木運木能制土地氣迺鬱其邪亦微必折鬱  
土抑其運水扶其不勝無使暴過而生其疾食齡  
元之穀以全其真避虛邪之氣以安其正運與寒  
濕異宜以燥濕化其化上苦溫中酸和下甘溫藥  
食宜也歲半之前太陽主之寒淫所勝則寒氣迺  
至水且冰血變於中發爲癰瘍民病厥心痛𩑦衄  
善悲時暝仆病本於心診在神門之脉其法平以  
辛熱佐以甘苦以鹹寫之歲半之後太陰主之濕

淫於內則埃昏巖谷黃反見黑至陰之交民病飲  
積心痛耳聾渾渾焯焯噎腫喉痺少腹痛腫病衝  
頭痛目項腰髀膈膈皆痛其法宜治以苦熱佐以  
酸淡以苦燥之以淡泄之氣交之間木運太過命  
曰發生之紀是謂啟陳土踈泄蒼氣達陽和布化  
陰氣迺隨生氣淳化萬物以榮其化生其氣美其  
政散其令條舒其動掉眩顛疾其德鳴靡啟折其  
象春其變振拉摧拔其穀麻稻其果桃李其畜雞  
犬其蟲毛介其物中堅外堅其色青黃白其味酸



甘辛其經足厥陰少陽其臟肝脾其病怒故曰歲木太過風氣流行脾土受邪民病飧泄食減體重煩冤腸鳴腹支滿甚則忽忽善怒眩胃顛疾脇痛診在衝陽之脉其法治以酸和初之氣自辛酉年大寒日申初至是歲春分日午初凡六十日八十七刻半主位太角木客氣少陽火中見木運歲木當位相火居之地氣遷氣迺大溫草迺早榮民迺厲溫病迺行身熱頭痛嘔吐肌腠瘡瘍宜治少陽之客以鹹補之以甘寫之以鹹輒之歲穀宜元間

穀宜豆雖有火邪不能爲害二之氣自春分日午正至小滿日辰正凡六十日有奇主位少徵火客氣陽明金中見木運金勝木大涼迺至草迺遇寒火氣遂抑民病氣鬱中滿寒迺始宜治陽明之客以酸補之以辛寫之以苦泄之歲穀宜元間穀宜黍雖有燥邪不能爲害三之氣自小滿日巳初至大暑日卯初凡六十日有奇主位少徵火客氣太陽水中見木運天政布寒氣行雨迺降民病寒反熱中癰疽注下心熱瞋悶宜治太陽之客以苦補



重校聖濟總錄 卷二十一  
之以鹹寫之以苦堅之以辛潤之歲穀宜元間穀  
宜稷雖有寒邪不能爲害四之氣自大暑日卯正  
至秋分日丑正凡六十日有奇主位太宮土客氣  
厥陰木中見木運氣與運同是謂司氣風濕交爭  
風化爲雨迺長迺化迺成民病大熱少氣肌肉萎  
足痿注下赤白宜治厥陰之客以辛補之以酸瀉  
之以甘緩之歲穀宜藚間穀宜稻雖有風邪不能  
爲害是氣也用溫遠溫無犯司氣之溫五之氣自  
秋分日寅初至小雪日子初凡六十日有奇主位

少商金客氣少陰火中見木運木生火火勝金陽  
復化草迺長迺化迺成民迺舒宜調少陰之客以  
鹹補之以甘寫之以酸收之歲穀宜藚間穀宜豆  
雖有熱邪不能爲害終之氣自小雪日子正至大  
寒日戌正凡六十日有奇主位太羽水客氣太陰  
土中見木運地氣正濕令行陰凝太虛寒風以至  
宜治太陰之客以甘補之以苦寫之以甘緩之歲  
穀宜藚間穀宜麻雖有濕邪不能爲害此六氣之  
化也歲氣之交天氣復則有太陰之復地氣勝則

有厥陰之復依其復法治之所謂濕者燥之溫者清之故其氣迺平也

癸亥歲



厥陰風木司天少陽相火在泉中見少徵火運歲  
火不及氣化運行後天不及而同地化是謂同歲  
會氣之平也諸同正歲氣化運行同天率火之歲  
命曰升明之紀正陽而治德施周普五化均衡其  
氣高其性速其用燔灼其化蕃茂其政明曜其候  
炎暑其令熱其類火其應夏其穀麥其果杏其實  
絡其蟲羽其畜馬其色赤其味苦其物脉其音徵  
其數九其在人也其臟心其主舌其養血其病暍  
瘵此歲運之化也天地之氣上見厥陰左少陰右

重刊聖濟總錄 卷二十一  
太陽故天氣擾而其政撓下見少陽左陽明右太  
陰故地氣正而其令肅風生高遠炎熱從之雲趨  
雨府濕化廼行風火同德上應歲星熒惑其穀蒼  
丹問穀命太徵太羽者其耗文角品羽寒化雨化  
勝復同邪氣化度也風化八火化二正化度也歲  
物之宜則毛蟲靜羽蟲育地氣所制則介蟲耗寒  
毒不生風燥火熱勝復更作蟄蟲來見流水不冰  
熱病行於下風病行於上風燥勝復行於中是歲  
陰爲天氣陽爲地氣天氣虛火運適平不資化源

惟贊其運火無使邪勝歲宜以辛調上以鹹調下  
畏火之氣無妄犯之其化上辛涼中鹹和下鹹寒  
藥食宜也歲半之前厥陰主之多風化者厥陰之  
政也歲半之後少陽主之多火化者少陽之令也  
初之氣自壬戌年大寒日亥初至是歲春分日酉  
初凡六十日八十七刻半主位太角木客氣陽明  
金中見火運寒始肅殺氣方至民病寒於右之下  
運行平火其邪廼微宜調陽明之客以酸補之以  
辛寫之以苦泄之歲穀宜蒼間穀宜黍二之氣自

重刊聖濟總錄 卷之六  
春分日酉正至小滿日未正凡六十日有奇主位  
少徵火客氣太陽水中見火運火居其位寒水承  
之寒不去華雪水冰殺氣施化霜迺降名草上焦  
寒雨數至陽復化民病熱於中宜調太陽之客以  
苦補之以鹹寫之以苦堅之以辛潤之歲穀宜蒼  
間穀宜稷三之氣自小滿日申初至大暑日午初  
凡六十日有奇主位少徵火客氣厥陰木中見火  
運火當其位風水客之天政布風迺時舉民病泣  
出耳鳴掉眩宜調厥陰之客以辛補之以酸寫之

以甘緩之歲穀宜蒼間穀宜稻四之氣自大暑日  
午正至秋分日辰正凡六十日有奇主位太宮土  
客氣少陰火中見火運氣與運同灼化所居溽暑  
熱相薄爭於左之上民病黃癰而爲肘腫宜調少  
陰之客以鹹補之以甘寫之以酸收之歲穀宜丹  
間穀宜豆五之氣自秋分日巳初至小雪日卯初  
凡六十日有奇主位少商金客氣太陰土中見火  
運火生土燥濕更勝沉陰迺布陰氣及體風雨迺  
行宜調太陰之客以甘補之以苦寫之以甘緩之

重刊聖濟總錄 卷二十一  
本 燕 運 堂  
歲穀宜丹間穀宜麻終之氣自小雪日卯正至大  
寒日丑正凡六十日有奇主位太羽水客氣少陽  
火中見火運火氣符會畏火司令陽迺大化蟄蟲  
出見流水不冰地氣大發草迺生人迺舒其病溫  
厲宜調少陽之客以鹹補之以甘寫之以鹹輒之  
歲穀宜丹間穀宜豆是氣也用熱遠熱無犯司氣  
之熱歲穀之化其氣專其化淳又遇火氣平與歲  
會同是謂行令邪氣乘之其病持久經日中行令  
者其病徐而持也右六氣司歲五運統歲五六相

合三十年一週六十年再週凡千四百四十氣而  
天地之氣數備焉終而復始時立氣布如環無端  
守其數稽其化若合符節可謂悉矣此特定期之  
紀氣化之常也不能無變變不可以常拘推考其  
要或因本標不同謂太陽爲寒陽明爲燥太陽爲  
炎太陰爲濕少陰爲熱厥陰爲風所謂本也本之  
下爲中之見見之下爲氣之標太陽之中見少陰  
時或爲暄太陰之中見陽明時或爲燥以至燥濕  
相交暄寒相應風火相宜其本標不同有如此者



或因積數之差若春溫夏暑秋涼冬寒時令之常也或春夏秋冬各差其分應在四維後皆三十度有奇積數之差有如此者或因有勝有復謂六氣之化行各有次止各有位隨六節以觀其應或至而太過者六氣之勝也若有非常之氣應在歲半之前者名爲歲氣淫勝應在歲半之後者名爲六氣來復其勝復有如此者或因氣位相勝謂天有常政地有常令應各有時當其時各以其化來報至而甚者客勝也若臨在反勝之位則司歲之氣

不得其應是爲主勝其氣位相勝者有如此也或因氣運之鬱謂氣運各有所制屈而不伸也天氣勝運則運化鬱運勝在泉則地氣鬱或六氣臨勝己之位則六氣亦鬱凡有所鬱則進退升降皆不能也其氣鬱有如此者或因鬱而必發謂五氣之鬱乘時木發則飄驟其應無時而發也火發則暵昧應在四氣土發則昏潰應在長夏金發而毀折應在秋水發而雹雪應在二火前後其鬱氣之發有如此者或因邪氣反勝謂天政布於夏地令行

於冬至其時或當寒而熱當熱而寒當溫而清當  
燥而熱當濕而燥反勝有如此者夫定期之外猶  
有是者則不拘於常數也茲造化密移所以新新  
不窮歟

燥而熱當濕而燥及勝有如此者夫定期之外猶  
有是者則不拘於常數也茲造化密移所以新新  
不窮歟

